



Hmasawanna Thar

(AN I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty :
03874-233370
Fire Brigade : 8974 147 799/
8258 057 887 / 8974 103 600

Daily & Direct Service
JIRIBAM / HMARKHAWLIEN
C/o Babita
9862129273

Hmasawanna Thar Vol - 32/196

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

SIUM Vice Chancellor ingin Prof. Lal Dena

CCPUR: Prof. Dr Lal Dena chu Sangai International University Manipur (SIUM) Vice Chancellor danga dinga ruot a ni a, May 5, 2017 khin a sin hi a zawn ta ding niin ei thu dawngna chun a hril.

SIUM hi tuhin Rengkai Road, CCPur-ah temporary-a lan nght mek a ni a, campus nght chu S. Boljang hmuna inghat danga riruong a ni a, building le infrastructure hai inbun fel a ni hma chun Rengkai Road-a an building hluo hi an la hman zing ding niin ei thu dawngna chun a hril baw.



Professor Lal Dena hi Manipur University-a Department of History-a HoD lo nit ah, tuta a sina inthawk lo chawl ta a nih. Ei chanchinbu chun a lawmpui hle.

DC khuollienin a thang



CCPUR: Donbosco Hr. Sec. School chun May 3, 2017, 9:30AM khan Annual Games & Sports 2017 opening an hmang a, hi huna hin Mr R. Sudhan, IAS, DC, CCPur khuollienin a thangin flag keipharna le house contingents hai inspection nein meiser in-sitivarna a nei.

R. Sudhan chun, School kai hun lai hin an hawi dan hre naw inlakhawm College kai hun le khawsk naituonaa hun ei hmang pha chun school kai hun lai inhawi zie ei hrietsuok hlak a. Student life hi hun inhawi, ruol le pai hai le zalen taka ei um hun a

Malaria positive 5 le PF 3

CCPUR: District Malaria Department, CCPur chun April, 2017 thla sung khan Malaria Clinic le Testing Centre tum tum haiah dam-naw 1740 hai thisen laa an enfelnaah Malaria positive 5 le Malaria PF 3 an hmu-suok.

April 15, 2017 chen

ni thu a hril a. School kai huna sports activity nei pawimawzie, lungril le taksa insawizawina danga tul le pawimaw a ni thu hai hrilin, sports hlawtling taka hmang dingin ditsakna an hlan.

Hi hun hmangnaa hin tukum Class X Exam-a thang ve Niang Mary (15), d/o Pau David, Class X B Roll No. 61 of New Zou-veng, zani zingkar 1:00AM a khawisk leia thi sunna hun an hmang baw.

Student-han March Past, Trio, Bamboo Dance, Choreography le item dang dang opening huna hin in-entirna an nei baw.

State Cabinet-in Ni 100 sunga zo ding Development Plan 57 approved Kum 2022 chenah In tin tawiti tui pek seng ding

IMPHAL, (DIPR): Manipur sawrkhar tharin intiemkama le thupuong a lo siem tah angin, Nilainia Chief Minister rawia State Cabinet meeting chun department hran hnuoia development program hran hran 57 hai chu ni 100 sunga zofel dinga plan siemin a approved. Hieng Plan hai po po hlen puitling vawng a ni theina dingin Chief Minister office-in monitor a nih, tiin press release chun a hril.

Hi Plan hnuoia sinhai chu department hran hran, Health & FW, IT, Science and Technology, Agriculture, Horticulture, Transport, PWD, Power, DIPR, Art & Culture, PHED, Finance Dept., Tourism, RD & PR, Education, Planning, Social Welfare, MAHUD,

MOBC le DP hai an nih. Home, DP, MAHUD, SW le Labour department hnuoia sin pawimaw thenkhat chu, Cyber Crime Police Station le Community Policing System, Grade III le IV interview um ta lova direct recruitment thaw ding, PMAY Greater Imphal-a zaulien ding, old age pensioners hai po po bank account hawngpeka 'door step deliver' (Ina pek) thaw ding, in bawtu le construction workers 6000 welfare benefits siempok le sungkuo tina sin pakhat bek siempok ding tihai a nih.

MOBC, SCERT, Health & FW, IT, Science & Technology le Agriculture department hai sin thaw ding chu; classroom 46 le hostel 14 khum 645 bawl

ding, Imphal East ah DIET tan ding, health department hill area bika mihai transfer & posting rationalization thawa transfer & posting policy thalem siem ding, Churachandpur, Chandel, Ukhrul le Tamenglong district haia naupang kum 0-2 mi 8000 hai full immunization an nei theina dinga special drive thaw ding, district headquarter po po wireless-a lung zawn vawng ding, Manipur State Centre ah mi 50 thung theina Digital Planetarium le, kum 2020 chenah losinhtawthai income an hmu theina dinga strategy siem ding tihai a nih.

Transport, Education, RD, PWD le DIPR hnuoia sinhai chu, Manipur State Road Transport sukthar nawk le Dewaland ah ISTB

siem, private sikul le private tuition hai regulate thaw, college 40 ah vocational course tan, CM-Education Minister-Director of Education (U) le govt. college hai video conference a zawn, Panchayat/VA 161 haia MGNREGSE-payment system hman, Zilla Parishad palihai office complex commission thaw, district hqrs. po lamlien pot-holes hai hrukbit ding, Imphal-Mao NH sietna lai siemthat le Manipur State journalist Welfare Fund siem ding tihai a nih.

Horticulture, Art & Culture, Power, Finance Planning, PHED le Tourism a sin dinghai chu, farmer 5000 hai kuomah organic farming introduce ding, school naupanghai music

le instrument hmang inchuktir ding, Chandel, CCPur, Senapati, Ukhrul le Tamenglong-a census village 77 hai electrification thaw ding, State Funded scheme po po Direct Benefit Transfer thaw ding, fund hai hmang dan le sinthaw dan facilitate le monitor-na dingin website (online monitoring) thaw ding, Manipur Vision 2023 siem ding, in tin tawiti tui (pipe water) pek ding, Shirui Festival hmang ding ti le Andro Tourist Park siem ding tihai a nih.

Hieng po po hi fund indai dan en ranin tha taka thaw ning an nih.

In Tin Tui Pek: Hi thu le inzwam pei hin, State Cabinet chun, 2017-18 a inthawka in ana Five Years Plan huom

sunga dingin State Mission on Employment, Housing and Drinking Water ti hlenin kum 2022 chenah chu in tinin tawiti tui (pipe water) an nei theina dingin hma lak dingin a rel baw. A Mission hi cluster-based approach-a thaw ning a ta, a puitling theina dingin ban pathum Community Mobilization, Transparency le universal Coverage thupui hmanga hlen ning a tih. Manipur-a Block po po huom dingin selected villages cluster haia thaw ning a ta. Centrally Sponsored Schemes (CSS) hnuoia fund chi hran hrinhai hmanga thawin 100% employment, housing le tape water pek ning an nih.

Phase ngaa hlen ning a ta, tentative target chu >>>**sunzawmna page 2-ah**

Pherzawl district thuah DC in Dr Fimate an hmupui

IMPHAL: Pherzawl District Deputy Commissioner (DC) A. Tombikanta Singh, IAS chun May 3, 2017, 6AM khan Dr L. Fimate chu Ebenezer Villa, Langol hmuna a chengnainah a van hmupui a, Pherzawl district sukpuitling dan ding thuah a van rawnpui bakah a tul anga Manipur CM N. Biren Singh kuoma khawm lo bawzuipui dingin Dr Fimate hi a va ngen baw.

Dr Fimate chun District sukpuitling dan ding thu hi ngai pawimawin hmalak dan ding hai tam tak an hriltlang tiin ei thu dawng-na chun a hril.



district chungthua lekha a hung chawihai bakah Sports Complex, khum 100 um theina ding Hospital, College le Development works dang dang hai khawm thaw a ni ngei theina dinga theitawpa thanguipui dingin Pherzawl DC hi a lo tiem a, sawrkhar Offices 40 vel department izira inthut a ni ngei theina dinga hma a lakpui ding thu le Pherzawl district chu district dang hai neka sukmmasawn le Manipur-a District dangdai taka siempuitling dan ding an hriltlang baw.

Pherzawl district hi Dec. 16, 2016 a kha huna CM O. Ibobi Singh in District HQ. Pherzawl hmuna a lo hawng ta a ni a, sienkhawm hmasawna hmu thei ding a ta umnaw leia DC hin barsatna nasa tak a tuok leia Dr L Fimate

hi BJP Pradesh Executive member a nina anga hma la le thanguipui dinga a Pherzawl DC hin a van gen a nih.

Ei thu dawngnain a hril pei danin Dr L Fimate chu Hmarbiel mipui barsatna intlung dinga Central minister hai inhmupui dingin Delhi a pan a. Delhi-a a cham sungin Tipaimukh Road thawnawna hai siemthat a ni theina dingin Transport Minister an hmupui ding bakah devel-opment work dang dang khawm a hrilpui sa bawk ding niin a hril. Tucha-hin Dr L. Fimate le Pu Van-lallien hai hmalakna lein Jiri-Tipaimukh Road chu quality tha taka siem dingin sawrkhar thlungpuiin a remti ta a, Pathienin rem a ti chun sin tan vat ni tang a tih tiin ei thu dawngna chun a hril.

Action na taka lak ning a tih: Th Radheshyam

IMPHAL: Board of Secondary Education, Manipur hnuoia Examination, 2017 Answer script enna-ah thil indiko a um tia Kangleipak Students Association(KSA) sawiseln a intumna an siem hi suizui ning a ta, thil indiko thawtu an um a nih ti hmu le hriet suok an ni chun na taka hrem ning an tih tiin Education Minister Th.Radheshyam chun zanita SCERT, Lamphelpat a training programme a thu a hril huna a hrillang. KSA chun Peace & Free-



dom Academy, Thoubal a Mathematics teacher T.Amubi chun CC Higher Secondary School-ah answer sheet popo a tharin a

thleng vawng tiin an intum bakah Secretary, Board of Secondary Education chu thil indiko tam tak thawah an intum a nih.

thleng vawng tiin an intum bakah Secretary, Board of Secondary Education chu thil indiko tam tak thawah an intum a nih.

CM rawiin Joint meeting an nei

IMPHAL: May 2, 2017 khan CM N. Biren Singh chun DRDA Conference Hall, Senapti-ah NPO le Civil Society Organisation-hai chu Senapati District sunga Development Programme thuah joint meeting a neipui. Hi huna hin Barak Festival huohiawng dan ding thu khawm an hriltlang. Joint Meeting a hin PHED, Printing & Stationary Minister Losii Dikho, Fisheries, Tribal & Hills Minister N. Kayisii le ADC, Senapati Chairman M.L. Markson hai khawm an thang.

Irom in pasal a nei ta ding

IMPHAL: Irom Sharmila le a ngaizawngpa British mi Desmond Kutino hai chun India ramah innei dingin thutlunka an siem ta a, sienkhawm an innei ding ni tak chu bituk a la ni nawh. Irom Sharmila hi pasal nei dingin Britain-ah fe a

tum a, sienkhawm sawrkhar thuneitu han passport pek an remti naw lein Madurai, Kerala hmuna inneina hunsur bakahi dingin thut-lunka an siem a, hi dung-zui hin Irom Sharmila le Desmond Kutino hai chu Madurai an thlung ve ve tah.

Cabinet-in SG & ST Sec. 173 & 174 Approved

IMPHAL: Central Government Goods and Services Tax Bill, 2017 chu State Assembly ah introduce ning a ta. A Bill hin, (i) state sunga supplies, goods or services or an pahniin, mihiem dawn dinga siem alcohol ti lo ah, rate tha a ti zat zat, GST Council-in a bituk 20% neka tam lo rate siem thei a nih. (ii) GST siem rate hmang tanna ding tarik a siem hmakhat chu thautui, high speed diesel, petrol, natural gas le aviation tur-bine fuel haia chu Manipur VAT Act, 2004 dungzuin state sawrkharin tha a ti zat zat tax la la thei a tih.

GST Council chun March 31, 2017 khan State GST draft model chu a lo approved tah a, Manipur SGST Bill section 173 le 174 formulation chu, Acts repeal/amend thaw a ni theina dinga pelut dingin an hricttir a nih.

The Manipur State Goods and Services Tax Bill, 2017 chu State Assembly ah introduce ning a ta. A Bill hin, (i) state sunga supplies, goods or services or an pahniin, mihiem dawn dinga siem alcohol ti lo ah, rate tha a ti zat zat, GST Council-in a bituk 20% neka tam lo rate siem thei a nih. (ii) GST siem rate hmang tanna ding tarik a siem hmakhat chu thautui, high speed diesel, petrol, natural gas le aviation tur-bine fuel haia chu Manipur VAT Act, 2004 dungzuin state sawrkharin tha a ti zat zat tax la la thei a tih.

Motor inru pasal pakhat man

IMPHAL: Zanikhan Po-lice han Riyaj Khan (26), S/O(L) Abdul Gaffar of Borayanbi Khunjao Palli, Moirang, Bishnupur District chu a motor inruk Su-

zuki Access MN01Z-7113-leh Sulabh Complex, B.T.Road, Imphal hmuna an man a, case an registered khum tiin Police thusuok chun a hril

Odisha Rajya Sabha MP Bishnu Charan Das chu March 3, 2017 khan an ban leia a seat hi hung ruok le byelection nei hung tul a nih. Inban nawsien chu a hun (term) hi 01-07-2022 a tawp ding chau a nih.

Rajya Sabha election a vote nei le thlak thei hai chu MLA-hai an nih. Mani-pur a chun MLA 60 an um a, hieng MLA-hai hin Rajya Sabha member ding hi an thlang ding a nih.

CHANCHIN LAKTAWI Yamaha showroom hawng ding

CCPUR: May 4, 2017 hin K. Salbung, Opposite Main Gate-ah Yamaha Showroom "Alal & Joshua Motors Churachandpur" hawng ning a tih. Hi huna hin Pu Khaipao Hakip, Chairman, ADCC chun khuollienin a thangin Showroom hai hawng a ta, Rev. Hemkhomang Hakip, Principal, DTS in tawngtainaa inhlanna nei a tih.

Hmar Martyrs Badminton opening

CCPUR: May 8, 2017 khin Hmar Martyrs' Badminton Tourmanet, 2017 Opening Ceremony nei ning a tih. Hi huna hin Tournament-a thang hai bakah Hmar hnam sunga Organization/Association le mimal thenkhat han exhibi-tion match nei nghan an tih.

BSI Collector's Fellowship, 2017

CCPUR: Vawisun 10 AM-3:30 PM inkar sung hin Synod Hall, I.B.Road, Churachandpur-ah Bible Society of India(BSI) Churachandpur Branch chun BSI Collector's Fellowship, 2017 nei an tih.

Annual parting social-cum-Thanks Giving



CCPUR: Churachandpur Govt. College chun zani 11AM a inthawk khan an college hmunah Annual parting Social-cum-Thanks Giving hun an hmang. Hi huna hin kum 2016 a BA/B. Sc zo student hai bakah Sixth Semester thaw lai students le teachers hai an thang taw.

Hun hmangna R Van-lalawm Guite, Principal, CCPur College chun Profi-

ciency Awards semna neiin thuhirlna hun a hmang a, T. Mangminlian, Academic Secretary, Student Union, CCPur college in presenta-tion hun a hmang a, Pastor Letzathang Guite, Local Pastor, EBCC, Central Lamka in student, lecturer le college ta dinga tawngtaina a nei a. Head of Department tum tum Dr Zalzagou, Head of Geography Depart-ment le K Vungzamawi,

Geography Department han outgoing student hai inuina thucha an hril.

K. Vungzamawi chun Geography Dept. in tukum 2017 final exam-ah student subject topper kuomah Rs. 2,500; second Rs. 1,000 le Manipur a Top 10 chen ting phak hai lawmpuina Rs. 500 seng pek an ni dign thu a hril.

Hun tawpang L. Ruoivel Pangante, Vice Principal in vote of thanks a hril.

Kum 2016 khan CC-Pur College a inthawk BA/B.Sc. stream tum tum students 540 an exam a, mi 86 first class in an pass a, Manipur pumpuia Top 10 lai 7 an thang phak a nih.

May 6 ah CM CCPur a hung inzin ding

CCPUR: The Editors' Guild Manipur(EGM) le Manipur Hill Journalists' Union (MHJU) hai thangruola an huohawtnain May 6, 2017 10:30AM a inthawk khin MHJU Press Club, Headquarters Veng, Churachandpur-ah Reception-cum-One Day Media Seminar on "Communal Harmony: Bridging the Gap" ti thupua hmangin nei ning a tih.

Hi programme a hin N.Biren Singh, Chief Minister, Manipur chu khuol-lien ning a ta, Special

Driver le Handyman thuoihmang

IMPHAL: Zani sun dar 11 vel khan Keithelmbani le Sapermeina inkarah Truck Driver le handyman hai chu KNF (P) ni dinga ring-hla han an thuoihmang a, sienkhawm dam le himin zani sun dar 12:10 vel khan an insuo nawk. Truck hi Dimapur a intawhka Imphal pana hung a ni a. A thuoihmangtu han Truck neitu kuomah an mi thuoih-manghai insuona dingin Rs. 2,00,000 an ngen niin ei thu dawngna chun a hril.

World Press Freedom Day, 2017



IMPHAL: Editors Guild Manipur huohawtnain zanikhan State Information Centre, DIPR, Palace Gate, Imphal hmuna, "Promoting the Media's potential as a Catalyst of peace and mutual understanding" ti thupui hmaning World Press Freedom Day,

2017 hmang a nih. Hi huna hin IPR Commissioner K.Radhakumar khuollienin, Meghachandra Kongbam, Director, IPR le Y.Rupachandra, Secretary General, EGM hai Guest of Honour le A.Mobi, President, EGM functional President in an thang.

Manipur le Odisha haia RS seats 1 ve ve haia byelection May 25 a nei dingin ECI in a puong

NEW DELHI: Manipur le Odisha State haia Rajya Sabha seat 1 ve ve ruok haia byelection chu May 25, 2017 a nei dingin zanikhan Election Commission of India (ECI) chun a puonglang. ECI thusuok dungzuin hieng Rajya Sabha seats 2 haia byelection neina ding Election Notification chu May 8, 2017 ah insuo ning a ta, in candidate nuomhai ta dingin may 15, 2017 chenin nomination paper file thei

ning a ta, Nomination paper enfelna (scrutiny) May 16, 2017 ah nei ning a ta, candidate inhnukdawk nuomhai ta dingin May 18, 2017 chenin inhnukdawk thei ning a ta, May 25, 2017 in vote thlak ning a ta, zingkar dar 9 a inthawk zantieng dar 4 chenin vote thlak thei ning a ta, vote la hai chu hi ni zantieng dar 5 a inthawk tiem tan le result puonglang nghan ning a tih. Hi byelection le inza-wma thil tulhai po po chu

ning a ta, Nomination paper enfelna (scrutiny) May 16, 2017 ah nei ning a ta, candidate inhnukdawk nuomhai ta dingin May 18, 2017 chenin inhnukdawk thei ning a ta, May 25, 2017 in vote thlak ning a ta, zingkar dar 9 a inthawk zantieng dar 4 chenin vote thlak thei ning a ta, vote la hai chu hi ni zantieng dar 5 a inthawk tiem tan le result puonglang nghan ning a tih. Hi byelection le inza-wma thil tulhai po po chu

ning a ta, Nomination paper enfelna (scrutiny) May 16, 2017 ah nei ning a ta, candidate inhnukdawk nuomhai ta dingin May 18, 2017 chenin inhnukdawk thei ning a ta, May 25, 2017 in vote thlak ning a ta, zingkar dar 9 a inthawk zantieng dar 4 chenin vote thlak thei ning a ta, vote la hai chu hi ni zantieng dar 5 a inthawk tiem tan le result puonglang nghan ning a tih. Hi byelection le inza-wma thil tulhai po po chu

Employment News

1. Manipur Judicial Service (MJS) Grade-III Group 'A' Post 9 (UR-5, ST-2, OBC (M)-1 le OBC (MP)-1 a ruok. Hlaw Rs. 27700-33090-920-40450-1080-44770.

2. RBI RECRUITMENT 2017 Reserve Bank of India (RBI) has released a notification for the recruitment of 161 Officers in Grade 'B' DR General and DEPR/DSIM.

3. PWD Candidates 3 years 5 years Relaxation 5 years 5 years 10 years

Application Fee: GEN/OBC Candidates have to pay Rs. 850/- (application fee including intimation charges).

How to Apply: Interested and eligible candidates may apply online through RBI website 'http://www.rbi.org.in' from 03-05-2017 (Grade 'B' DR General), 05-05-2017 (DEPR/DSIM), to 23-05-2017.

Important Dates:
Starting Date of Online Application for Grade 'B' DR General: 03-05-2017
Starting Date of Online Application for DEPR/DSIM: 05-05-2017

Last Date of Online Application: 23-05-2017

3. UPSC RECRUITMENT 2017 Union Public Service Commission (UPSC) has released a notification for the recruitment of 710 Medical Officers through Combined Medical Services Examination.

Vacancy Details:
Post Name: Medical Officer
No of Vacancy: 710
Pay Scale: Not Mentioned

How to Apply: Interested and eligible candidates may apply online through UPSC website 'https://upsconline.nic.in/' before 19-05-2017.

Important Dates:
Starting Date of Online Application: 19-05-2017

Kangmei suokin ngaidi In 40 chung a kang

GUWAHATI: May 2, 2017 zan dar 7:30 velkhan Assam-a SK Bhuyan Road bula Dighalipukhuri tank lai kangmei nasat tak a suok a, Ngaidi in 40 chung a kangsiet vawng.

hla a nih. Kangmei suoka hin mihkriem thi le hliemna tuok ruok chu an um nawh. Kangmei theltu motors 14 vel han theitawpa an thel hunging kangmei suok hi zan dar 8:30 velin an thelmit thei hram.

Meghalaya in Cigarette-ah tax a sukhnou

SHILLONG: Chief Minister Mukul Sangma in-rawinaa zani hmasa zana Meghalaya Cabinet meeting chun a state sunga Cigarettes, Cigars le bidis haia

Tax lak hlak chu 27 percent a inthawk 25 percent in a sukhnou. Tax an lak zat hi Mizoram le Tripura haia an lakzat leh an tluk a nih tiin Sangma chun a hril.

PM in free Press a thlawp

NEW DELHI: United Nations General Assembly-a May 3 chu World Press Freedom Day a hman gina lo puong an gin zanikhan World Press Freedom Day hman gina nih.

World Press Freedom Day hi Article 19 of the 1948 Universal Declaration of Human Rights sunga right to freedom of expression inzaa sawrkarin press

PM inrawinain GST chungthu enmawn

NEW DELHI: Prime Minister Narendra Modi inrawinain zani hmasa zan khan New Delhi hmunah Goods and Services Tax (GST) hman gina chungthu le black-money dona dinga demontisation chungthu enmawn nei a nih.

Hi huna hin Finance Minister Arun Jaitley, Revenue Secretary Hasmukh Adhia le senior revenue official dang dang hai an thlang.

Manipur State Cabinet headline- sunzawmna

Employment ah sungkuo 750, 000, Housing ah sungkuo 86, 000, Tui ah sungkuo 463, 620 ning a tih. Hi thil chi thuma Phase tina target sukpuitting ding chu 150, 000, 17, 200 le 92, 724 pei ning a tih.

Mission inenkaw dan ding chu Governing Council CM-in iraw i ta, Executive Council Chief Secy-in iraw i ta, Dist Executive Council chu DC hai pei Chairman ning an tih. MLA pei Chairman-na hnuoiah Cluster Level Monitoring Committee um bawk a ta. Formal taka hi Mission hawngna chu June thla khin nei ning a tih.

Tutak hin Manipur ah mihriem nuoi 28 umin sungkuo 5.07 lakh an

um a, thalai lekthaiem sin neilo nuoi 7 an um. Sungkuo nuoi khat vel chu sawrkär sin or sawrka inthawka inngat an um a, a dang 60, 000 vel chu middle income group an nih. Sin tha lem le income tam lem hmu suok theina ding scheme haia target ding chu sungkuo 3.47 lakh an nih.

Kum 2011 in tha le tha lo census dungzui chun, in tha rak lo 507,152 laka 23, 510 chu umna thlak lova um an nih a. Sungkuo 274, 551 le 209,091 hai chu in tha le in thatak anga record an nih. Sungkuo 335, 742 chu rural area niin 171, 400 chu urban area an nih.

Tui dawn ding (Water supply) tha chu Manipur hi state danghai nek in an hnuoi em em a. Hmangruo nei sa, enkaw le a thar sienna kawnga mi dang a ban phak naw hle. Sungkuo zaa 16% chauvin tui dawn ding huntawk nei a ni leiin North East State ah khawm an hnuoi pawl a nih. Rural sungkuo 335, 752 lakah in 15, 529 chauvin dawn ding huntawk tui an nei a, urban ah 171, 400 lakah in 28, 000 chauvin tui dawn ding huntawk an nei.

Manipur State Cabinet thutiem anga ni 100 sunga a hlen puittling vawng thei chn Manipur chu iemani chenah developed pha ngei a tih ring a um. A puittling vawng ding am ti ruok chu hunin la hril a tih.

Eiffel Tower neka insanglem ding Chenab vadung chungah Rel leilak

NEW DELHI: Tuta inthawka kum 2 vel hnunga chun khawwela Rel leilak insang tak ding Jammu and Kashmir-a Chenab vadung chung a an zam phei duoi ding a nih. Hi Rel leilak hi Eiffel Tower nekin metres 35 in an sang lem ding nia hril a nih.



Leilak hin ruom khawkrak tak tak a hlawthleng ding a ni leiin sum seng ding hi Rs. 1,100 crore vel ni dinga riruong a ni a, thir tonnes 24,000 chungong hmangral dinga riruong a ni bawk a. Chenab vadung mawng taka inthawk metres 359 zeta insang ding a nih.

Hi Rel leilak hi Rel hrat chi darkar khatah kms. 260 a hla tlantlung thei Rel hai khawm dawlzo dinga hisap a ni a, Bakkal (Katra) le Kauri (Srinagar) a thlungzawm ding a ni a, leilak sei dan hi 1.315km. ding a nih.

kum 2019 a zofel hman dinga beisei a ni a, dawzo a ni huna chun khuolzinmi hai hiptu tak pakhat a hung ni ring a nih. Chun, inspection thila dingin leilak-a hin ropeway siem a ni bawk ding a ni a, bawlzo a ni huna chun China rama Beipan vadung chung a Shuibai railway bridge (275m) a

insang a hung khumkhel ding a nih. Jammu and Kashmir hi terrorist hai inzinguta an chet hlakna hmun a ni leiin security thil le him lemna dingin leilak hi 63mm a sa special blast-proof steel hmanga daw ning a ta, a ban hai khawm kum 15 sung dai ding, thil puok

dawlzo ding le special corrosion-resistant paint nal vawng a ni ding a nih. Chun, hi leilak venghinma dingin security monitoring system, warning le online monitoring system hai leilaka hin inbun vawng a ni ding bakah leilak sirah Cycle tlan theina ding siem a ni bawk ding a nih. (PTI)

Congress in Parrikar khing dingin candidate nei an tum

PANAJI: Goa Chief Minister ni lai mek Manohar Parrikar Goa Assembly- a MLA a ni theina dinga Goa hmuna Assembly Byelection hung um dinga chun Congress party chun Parrikar khingtu dingin candidate nei an tum nia hril rik a nih.

Mr Parrikar hin February thlaa Assembly election huna BJP in Goa hmuna hratna changa sawrkarna an hung siem thei leia Defence minister a ninaa inthawki inbana Goa Chief Minister sin hi a hung chel

niinaw leiin dan dungzuin Chief Minister a ni zawm pei theina dingin CM sin a chela inthawki thla 6 sung ngei MLA a thlangtling a ni a tul a nih. Mr Parrikar hin February thlaa Assembly election huna BJP in Goa hmuna hratna changa sawrkarna an hung siem thei leia Defence minister a ninaa inthawki inbana Goa Chief Minister sin hi a hung chel

lak a, BJP in seats 13 an lak a, Congress chu party mala tling rawn tak an ni a, sienkhawm Manipur-a BJP sawrkär hung ngir ang thoin regional parties le Independent candidate hai thlawpnaa BJP in sawrkarna an siem a nih. BJP chun Parrikar ngirna ding constituency hi an la sukfel naw a, tuta kar sung hin an sukfel ring a nih. (PTI)

Bangladesh mi sansuoka um 200 chung thawnkir loin an la um

KOLKATA: Bangladesh a inthawki mihrima sumdawngna (human trafficking) case-a West Bengal hmuna sansuok Bangladesh nuhmei 200 chungong zai hai chu sansuoka an um kum 4 a liem hnung khawmin an ram tienga thawnkir hun ding nghakin

an la um zing. Government official thusuokin a hril danin sansuoka um nuhmei a tamlem chun Bangladesh-a nu le pa hai umna le an in address khawm an hril theinaw leiin Bangladesh tienga thawnkirna ding kawnga hin harsatna a um thu a

hril. West Bengal Women and Child Welfare Development Principal Secretary, Roshni Sen chun, tuhin human trafficking case a sansuok nuhmei 220 hai chu Home dang dang haia sie le an ram tienga thawnkir hun ding nghakin

an um mek a nih tiin PTI palai a hril. NGO 'Sanlaap' chun, India rama hung zawr nuhmei thenkhat hai hi kum 10-12 inkar an ni laia India rama hung thawnlut dam an ni leiin an khuo le veng address indik tak an hril theinaw niin a hril. (PTI)

Tripura in differrently abled assistance a sukpong

AGARTALA: Tripura sawrkär chun a state sunga piengphunga ruolbanlo hai nuhmei-pasal innei huna financial assistance a pek hlak Rs. 6,000 chu Rs. 50,000 ni ta dingin a sukpong. Chief Minister Manik Sarkar in-rawinaa Council of Ministers han meeting an nei huna hi thu hi rel a nih tiin In-

formation and Finance Minister Bhanulal Saha chun reporter hai kuoma a hril. Kum 1986 a inthawki financial assistance sum sukpong a um vawikhatna a nih. Kum 2011 census dungzuin Tripura-a hin piengphunga ruolbanlo 70,000 vel an um a nih. (AT)

Labour sinthaw 2 electric in a man hlum

GHAZIPUR: Uttar Pradesh a chun zanikhan Kashinath Higher Education College main gate sienna sinthaw mi pahni hai chu electric hruoi an tawkfuk pal leiin electric in a man hlum. Electric in a man hlum hai chu Harendra Bharti (30) le Naren-

dra (25) hai an ni a, doctor panpui hman loa a hmuna thi v eve an nih. Hi College neitu chu MLA hlui Kashinath Yadav a ni a, thina tuok sungkuo hai kuomah zangnadawmna Rs. 2 lakh ve ve pek an ni ding thu a puong. (PTI)

Cyber crime: nuhmei pakhat Rs. 1 lakh lakpek

SHILLONG: Nuhmei pakhat chun a mobile phone fetlenga United Kingdom-a inthawk Rs. 3 crore le nuoi 10 bakah Laptop (Samsung) a man thu message a dawng a bawzui leiin Rs. 1 lakh chungong zai a chun.

Hlema um nuhmein in Police-a complaint a peklut dungzuin hiengang thil a man thu message a dawng baka hin Priya Devi, Rani Devi le Sunil Kumar nia inhril han telephone hmangan an bie a, a prize man hi Diplomat pakhatin a hung thak ding thu hriin, hi thila ding hin New Delhi-a SBI account pakhatat Rs. 1,85,000 thun dingin an inhriltir a. An hril ang chun account-ah pawisa a thun a, sienkhawm hi hnung hin an phone hai an switched off ta tlat leiin hlema a um hi a hrietsuok niin a hril. (ST)

Sonia in Mamata le Maya hai an hmupui ding

NEW DELHI: Opposition han President Common Candidate nei an tumna le inzawmin Congress President Sonia Gandhi chun Trinamool chief Ms. Mamata Banerjee le BSP

Chief Ms Mayawati hai an hmupui ding niin ei thu dawngna chun a hril. Anni baka hin DMK leader MK Stalin khawm an hmupui vat ta ding niin Congress thusuok chun a hril.

Truck khaltu hai kuoma pawisa latu CRPF man

SHILLONG: Meghalaya-a chun Ri Bhoi hmunah sawrkär kuoma royalty le tax pei lova lungmeihawl phurtu Truck hai kuoma pawisa a lak hlak leiin CRPF constable Gajen Saikia man a nih. Zani hmasa khan Lungmeihawl phurtu Truck AS 01 DD 4885 chu Police han sukchawlin a driver le handyman hai an man a, thu an indawn hunah constable Saikia le dalals thenkhatin an kuoma inthawki pawisa an lak thu an hril a. Hi le inzawma CRPF constable hi man a nih. (ST)

NITI Aayog rawtna in regional parties hai a suksiet ding: Lalu

PATNA: Rashtriya Janata Dal (RJD) supremo Lalu Prasad Yadav chun, NITI Aayog in Lok Sabha le Assembly Election a ruola nei dinga rawtna (proposal) a siem hin regional party leadership a suksiet ding a nih tiin a hril a, hi thil hi upper class hai hamthana ding chun a nih tiin Lalu chun a hril. Chun, Uttar Pradesh CM



Yogi Adityanath in zankhat thil tha state-ah development um that ding a ringna chu thil indiklo letder a nih tiin a hril bawk.

VAWISUN THUPUI Tukhawm sakhaw ngaisak nia inringa, a lei veng tha si lova, amni lungrila inhlen lemtu chu, chu pa sakhaw bie dan chu iengmalo a nih. Ei Pathien le Pa mithmua sakhaw bie dan inthieng le, suol thlangnaw chu hihi a nih, fahra le hmeithaihai an rimsik laia kan le, khawvel inthiengnawna kai lova insiem hi. -Jakob 1:26-27

Editorial Political party le politician han inenfiennain hman hai sien

Ei hriet seng angin, India ram chu Democracy ram a ni a. Eini Manipur khawm India rama um ei ni leiin Democracy rorelna hnuoia mi ei ni ve bawk. Democracy ramah chun suk hmasawm ding le mipui nun thui ni ngil dingin roreltu ding ei thlang a, roreltu chu mipui ta dinga mipui thlang an nih. Sawrkar a hung ngir khawmin Party Sawrkar ni lovin, mipui sawrkar, mipui ta an hung ni ta a. Ram hmangai ding le development siem dingin Political Party an um a thiang a. Chuongang mi-hai chun Party an indin san chu ram an hmangai lei a ni ding a nih. Hi takah hin ei Political Party hai hi an inenfie a ngai hle a nih. Ram am an hmangai annawleh an Party ti hi. Political Party han ram am ei hmangai annawleh ei Party inenfie a ngai. Ei Party ei hmangai lem chun midang Party chu hmangai thei ngai nawng ei thil.

Nangnihai iengangin an in um ve ti ka hriet nawh. Kei chu ieng Political Party a khawm ka lan ziek lut ngai nawh. Inthlang a hung um khawmin ieng Political Party le tu Candidate-hai khawmin an mi la control ve ngai naw a, ka dit tak le tha ka ti tak chu ka vote tawp el hlak. Tu Political Party amani ka theida lei annawleh tu Party amani ka disak lei a ni nawh. Ei ram ta dinga thatak dinga ka ngai chu ka vote el a nih. British Parliament member John Pyman chun, "ka to leia thudikin a tuor nek chun thudik hril leiin keiin tuor lem el ka tih" tia a hril hi ngaisang a um khawpel.

Political Party hai hin mani Party nekin Manipur hi hmangai lem dan ding in chukhai sienla nuom a um. Manipur Development-a dinga ruling Party hmasahai hmalakna sunzawm nuomnawna hi Political Party han an hnawng ngam ding a nih. Ieng Party khawm hung Sawrkar sienla, "Ruling Party hmasa han mipui le ram ta dinga thil tha thawna dinga hma an lo lakna tasa sunzawm ka tih" ti ngam Party hi ei ngaisang ding a nih. Hiengang lungiril put thei hai hi mi tha le ni thuong an ni hlak.

Political Party thenkhat chun ram le mipui ta dinga thiltha khawm ni raw seh, Sawrkar hmasa annawleh Party dang lo thaw tasa ani lei ela sunzawm nuom der lo an um hlak. Hiengang mi annawleh Party hi mipui le ram hmangaitu der, Manipur neka mani Party, sum le pai hmangai lem an nih. Mipui han hiengang mi hai hi hnawng ngam ei tieu. Mi tha, ram le hnam hmangai hai chun mipui le ram hmasawmna ding, ram le hnam ta dinga thiltha a ni phawt chun Sawrkar hmasa le iengang Party kuthnung khawm ni sienla sunzawm an rin naw a, mipui le ram ta dingin an sukpuitting tei thil hlak. Mipuiting thil thaw dan a nih. Hi thil hi Political Party tum tum han inenfienna le insiemthatnain hman mawl rawhai seh.

Hiengang kawngah hin khawwela ram ropui le khawwela Democracy ram puittling, entawntlak em em el chu U.S ram thuiotuhai le an Political Party um hai khu an nih. Jimmy Carter U.S. President a ni laia a hmalakna, a zo hman lo chu ama thlaktu Ronald Reagan in a hung sunzawm a, a hung sukpuitting hnung chen mipui han Ronald Reagan chawimawi an tum a, sienkhawm Ronald Reagan chun, kei chu mi chawimawi naw ro, Jimmy Carter hun laia mi a ni a, Jimmy Carter chawimawi lem ro a ti liem diei el a nih. Ei ni rawi le chun inang lo takel an nih. Hi thil khawm hi ei Political Party le Politicians han inenfiennain hman hai sienla nuom a um ngei el.

Chun, ei ramah Politics thila chirhak inthekhumna hi Political Party hran hran an uor hle. Politics thila chirhak inthekhumna hi ngahawk le khawp a um ta a, bansan ve thei ta inla nuom a um. Hi thil hi thil tul lo, hmangna bo, mipui le ram ta dinga fangkaina um der lo a nih. Tu Party le Politician khawmin thil lo thaw suol ta sienla, "Ngaidamma thatak chu theinghil hi a nih". Sui tul a um chun to tawka sui a, hrem tului hrem el ding a nih. A se zawnga intawng intawng hi umziebo a nih.

Table with columns: Hours, Studio/CRP, Programme

Editorial Board Lalmalsawm Sellate: Editor & Publisher Roding L. Sellate: Jt. Editor Ramditum @ Rama Ralsun: Asst. Editor Lalsansuok Pulamte & Samuel Zothanglien@SZ Zote: Sports Joseph Joute: Freelance Lalruotlien Dulien: Computer Assistant Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

LAKTAWI

Army Jawan ama le ama an kap hlum

JAMMU: Jammu and Kashmir-a Rajouri district-a Laam sector-ah Army Jawan Lance Naik Vishal Lohar chu zani hmasa zantieng kham a service rifle hmangin ama le ama an kap hlum. Lance Naik Vishal hi 54 Rashtriya Rifles-a um niin a chung case um leia Police in an suizui mek a ni a, hi leia beidawnga ama le ama inthat ni dinga ringhla a nih. Vishal (33) hi Karnataka mi a nih. (PTI)

CBI in Mumbai IT Commission-er an man

NEW DELHI: Mumbai-a Income Tax Commission-er BB Rajendra Prasad le midang 5 hai chu corporate group pakhatata inthawk thamna Rs. 19 lakh an lak tia intumna lein CBI han an man. BB Rajendra Prasad le midang pakhat hai chu Vishakhapatnam hmuna an man a ni a, midang 4 hai chu Mumbai-a an man an nih.

CBI han hi intumna le inzawma an dapnaah Rs. 1.5 crore zet an dapdaw bawk. (PTI)

BrahMos missile hlawtling taka ensin



NEW DELHI: Indian Army chun zani hmasa kham Andaman and Nicobar Island-a mobile autonomous launcher a inthawk advanced version BrahMos missile land-attack cruise missile chu hlawtling takin a ensin.

Brahmos missile hin a target indik takin a kap fuk a nih tiin New Delhi-a senior army officer chun a hril. (AIR)

Zurui in a pa a that

BARABANKI: Uttar Pradesh-a Lakhaura vilage -a chun pasal kum 27 mi Zu ngawlvei Anil an ti chun a pa Hari Prasad kuomah Zu man ding pawisa a hni a, sienkhawm a pa hin pawisa pek nuomnaw lein a that. Hi thil hi zani hmasa zantieng tung a nih. A pa thattu Anil hi a tlanhmang lein Police chun man tumin an zawng mek a, hi thua hin case an registered bawk. (PTI)

Pitar kum 70 mi Well-ah a tla hlum

CHENNAI: May 1, 2017 khan Tamil Nadu-a Ambassador hmuna pitar kum 70 mi M. Saroja of Varalakshmi Nagar chu tui umlo Well feet 60-a inthukah a tlatut a, lu a tet lein damzo lovin a thi. A sung hai temple-a fe zantieng in an hung inlawi huna an hriet chau a nih.

Ms M. Saroja hi an In bul lai an vakkulo naah tui um talo well inkhumna thingphok a sirpel leia Well sunga hi thlatut ni dinga ring a nih.

Kutdaw hausa han Tax department lu an sukhai

AHMEDABAD: India pawisa Rs. 500 le Rs. 1000 notes hmang thei ta lo dinga that (demonstised) a ni huna Bank-a pawisa tam tham tak tak thunlut hai laia thenkhat chu kutdaw 'slum dwellers' hai an nih. Hi thil hi Income Tax Department han survey an thawnaa an hmuok a ni a. IT Officers han bank Account-a Rs. 9 crores zet deposit a ni leia Account neitu hai an va suizuinah hi account-a pawisa thuntu

hai chu unau pasal pahni an nih ti an va hmuok chu IT official hai makti a tling hle. Gujarat Income Tax Department chun Ahmedabad khawpuia hin Bank Account-a pawisa thunlutrawn zuolna 5,000 hai enfel dingin Notice an suo a, hi laia 1,500 vel han dawna an pek naw a, chu taka inthawk department hin an address hai zawngdawka an suizui a nih. (AM)

ED in firm director le promoter an man

NEW DELHI: Enforcement Directorate (ED) chun zani hmasa zan sawt hnung khan Mumbai based Firm director le promoter Vijay M. Choudhary chu Prevention of Money Laundering Act (PMLA) case le inzawmin Mumbai hmuna an man. Hi case hi indiklo taka bank loan Rs. 2,600 crore lakna sukchawaina case a nih.

niin Bank 25 lai hlema company hminga loan Rs. 2,650 crore zet la le sukchawaina intumna leia Enforcement Directorate in man dinga an zawng zing a nih. Mr Choudhary hi zanikhhan Indore-a Court hmaah inlangtir dinga ti a nih. Hi case le inzawm hin ED chun tuchenah Rs. 130 crore manhu ding thil (assets) an cheltang tah.

Mr Choudhary hi Ms Zoom Developers Private Limited-a Director le enkawltu tak haia inthawka enkawl a nih. (PTI)

PAN Card hmangsuol dangna dinga thaw

NEW DELHI: Sawrkar thlungpuiin PAN Card lakna dinga Aadhar Card lo thei loa hmang le inzawm that dinga thusuok a siem nasan chu PAN Card hmangsuol terrorist financing le black money dang le sukbona dinga thaw a nih thu Supreme Court a hril.

order an suo chu cho letin thil thei ding a ninaw thu sawrkar thlungpui a hniel a nih. Hi thila ding hin budget nuhung taka khan Finance Act 2017 siem a ni a, Section 139 AA hnuoiaih mi tuin amani income tax returns a ding PAN Card number a lak ding chun Aadhar lo thei loin a peklut ding ti a ni a, hi thil hi July 1, 2017-a inthawka hmang tan dinga ti a nih.

Supreme Court chun PAN Card lakna dinga Aadhar lo theilo dinga sawrkarin

FBI Agent, A Sui ISIS Helpawl Pasala Nei Man



WASHINGTON: Federal Bureau of Investigation (FBI) agent, tawng inlethu Syria rama fea ISIS helpawl pakhat sui dinga ti chu, a suipa ISIS helpawl pasala a nei lein US a hung kir nawk hnungin man a ni a, kum hni Jail-a khum a nih.

laini kum 2 chau an tang a nih. "Nuhmei fel tak, a thluokah thil iemani lut thuta che suol a nih" tiin a ukil Ms Shawn chun a hril.

CNN News-in a tarlang dan chun, Daniela Greene (38) chu FBI interpreter angin ISIS helpawhai sui dingin 2014-in Syria a lut a. Pasal nei lai zing a nia chu ISIS helpawl turu, German-a pieng Denis Cuspert, Deso Dogg ti hming chawia rap (hlasak-lam) hlak, Syria-a chu Abu Talaha al-Almani tia hrietlar chu a ngaiawng a, a nei tah a nih.

Greene hi a nunghak lai US an pem a, sipai pakhat leh innein Clemson University ah graduate-in, 2011 khan FBI ah 'linguist' (interpreter) contract a hmu a, 2014 khan German helpawl 'Individual A' tia ko Cuspert sui dinga Syria tir a nih. Cuspert, 2006 DMX rapper hi thi vanga car a accident hnungin Islam a luta, 2013 khan Syria lutin ISIS a zawm a. Greene hi Cuspert chanchin, online accounts le phone hai sui dinga tir a nih. June 2014 khan FBI kuomah sunghai kan dingin Germany fe dingin an hril a. Turkey fein Syria a lut a, Guspert hi va hmuin a nei tah a nih.

Cuspert hi Syria ISIS helpawl turu, Osama Bin Laden inpakna hla tamtak saka, US President hlui Barrack Obama ring tan dinga insala, mihrim lo khaia propaganda video-a inpholang hlak a nih. Czechoslovakia-a pieng Germany-a seilien Greene chun an innei zo kar thum velah thil a thaw suol ti a hriet a. US tieng kir nawkin man a ni tah a nih.

Resolute Support thupe-sawngtu, US Navy Captain

Greene hin ISIS hai chanchin indiknaw tak tak a hril hlak thu puongin a thiemnawzie a pawm a. FBI thangpui an tiem lein hieng ang case kum 13 chung Jail an intang hlak

July ah honeymoon an hmang zo chun a ruolnu kuomah an sir thu le kir a nuom thu a hrila chu a kir el thei nawh a. August-in US a hung kir nawk thei hram a. December-in a thiemnaw thu a puonga man a nih tah a nih. October 2015 khan Pentagon chun Cuspert khawm air strike-a thi angin a puonga chu, thla kuo hnungah a la dam ti a puong nawk a. Mithi ruong sandal a vuok hrep lai video leh pholang a nih. Tuhin a la dam zing nia hriet a nih.

Trump le Putin-in Inbiekna Nei An Nuom

WASHINGTON: Syria ram buoina leia hun iemani chen inbie tah lova an um hnungin, US President Donald Trump le Russia President Vladimir Putin hai chun Syria rama inkap chwawl a um theina ding le raltlanhai ta ding hmun him bik siem a ni theina dinga inbiek sunzawma hma lak tlang a tha tiin telephone-in an inbiek tan nawk tah.

um theina ding "safe zone" siemphek khawm an tiem a. Raltlanhai thangpuina ding sum chu Gulf rambunghai thaw ding le a tul ang anga US khawm thang ve dinga an hril tasa a nih a. Election thutiem a sukpuittling hma-bak zing a nih.

White house thusuokin a hril dan chun, thuoitu pahnihai hin Syria chanchin chau ni lovin North Korea chaungchang thu khawm an hriltlang niin a hril a. Inbiekna hi Putin rawnta anga nei a nih a, Syria buoina chingfel dang ding thua a ngaidan a hril nuom lei niin a hril.

Chutaka ding chun Syria ah inkap chwawl a um phawt a tul a. Chulein, Nilaini le Ningania Astana, Kazakhstan-a inkap chwawl thua inbiekna dingah khawm US chun palai tir a tum a nih. State Department thusuok hril dan chun, Secretary for Near Eastern Affairs, Stuart Jones chun observer angin thang a ti. Observer ang chauh khawm nisien, US-in a tirna hin Syria rama inkap chwawl a ngai pawimaw zie suklangna a nih tiin a hril.

White House hril dan chun, an pahni hni hin tharum

chawlsan ve ve tha an ti a. Humanitarian aid a tha taka thaw an ni theina ding ralmu-ongna hmun siem a ni theina dinga hma lak khawm tha an ti a. Thil dang dang leia inremna siema inkap chwawl hi tha an ti, tiin a hril.

A Tlingnawna Clinton-in Comey An Tum

NEW YORK: America nuhmei President hmasatak dinga beisei le ring, thu pakhat leia ni thei tah lo, US Secretary of State lo ni tah le November 2017 Presidential election Democrats candidate Ms Hillary Clinton chun, FBI director James Comey le Russia hacker hai lein US President a ni tah naw pha niin a hrila. A tling nawna san chu FBI director Comey lei niin a hril.

Trump le Putin-in Inbiekna Nei An Nuom (Continued)

New York-ah November Election thua public-a comment a peknaa chun, October 28 nia FBI director-in House of Congress kuomah ka private e-mail hai suina dingin case an hawng thar nawk anga a hung hrilna le, a campaign chairman John Podesta e-mail hai Russian hacker han an inruk

tia WikiLeaks thusuok lein voter hai tamtak a hawntama a tling phak ta naw niin hril, "October 27 khan Presidential election lo nei nih inla chu wawisun hin in President ka ni ding a na" tiin New York-a Women for Women Conference, CNN presenter Christiane Amanpour moderate-a chun a hril.

FBI-in a private server e-mail thubuon an hawng thar nawk anga hril lei le, a campaign manager e-mail khawm Russia han an nei vawng anga Wikileaks a um lei khan last hour ah voter tamtak a keipta a, Trump tieng vote an pek lein Clinton chu a tling zo ta naw a nih.

FIELNA/INHRIETTIRNA

Hmar Martyrs' day wavi 27-na le inzawmin Hmar Martyrs' Badminton Tournament a wvi 5-na chu 8-13 May, 2017 inkar sung HMARTOB in huoihawt a tih. Inhnika nei taphawt hai chun ngaiven thei a nih.

CATEGORIES: Singles Open : Entry Fee Rs. 200/- Doubles Open : Entry Fee Rs. 300/- Singles Junior (Under 16) : Entry Fee Rs. 200/-

Entry form laktheina hai: 1. Parate Enterprise, Light House Lane 2. Life Cafe, Rengkai Road 3. HMARTOB Office, Rengkai Contact Nos. 9774213120/ 7085343057, 9615794598 *Last date of entry form submission: on or before 6th May, 2017.

Sd/- Chairman/Secretary, HMARTOB

NATO Envoy Thichil Bomb ah mi 8 thi, 28 hliem



KABUL: Afghanistan a sipai thangruol pawl NATO le UN sipaihai helpawlin an beina chu a zuolkai pei a. Nilaini khawm khan Taliban helpawl ni dinga ringhla han thichil bomb hmangin NATO thuoit Resolute Support mission motor chu zingkar inhma takin Kabul khawpui ah an lo bei a, civil 8 an thi a, 28 dang an hliem bawk.


HOUSE AND PLOT ON SALE

A house and plot measuring 0.322 area bearing Patta No. 4627 and Dag No. 94/10016 at M. Thingjabong is on sale. The House includes Well and Latrine. Any interested person can contact Mobile phone No. 8729908010.

Advertisement for LIVE MUSIC Thursdays featuring Gloria Khawlhing and Seenvual Lungtuak. Includes contact information and event details.

PIGROW Tablet

VAWK INTHANGNA DAMDAWI I vawk zawr hun tlingna dingin kum khat nek tam nghak ngai tanaw nih.



A THATNA: * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a thi. * PIGROW mum hin, i vawk chu i pek thana inthawk chawl der loin an thang tir thei.

A PEK DAN DING: * Vawk pakhatata nikhatah mum 20 (zingtieng mum 10 le zantieng mum 10) pek ding. * Box khat ah mum 600 a um a, chu chu thlakhatah sunga a fakzo ding a nih. * Rawt phita pek in fak awisam an ti lem.

INCHAWK THEINAHAI: 1. Hmingi 2. L.K. Screen Printing Bethel, CCPur Lighthouse Lane, CCPur # 8414852391 3. Pet Care Centre, Tiddim Rd. CCPur. Order tam dan dungziin HOME DELIVERY khawm kan thaw thei.

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhawmman hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chungka ka hung hril a nih. MV Azad Phusam hi nitin 8AM-4PM inkar sungin Teddim Road, Old Bazar, Near Lamka ICI Church Road-ah pan thei le Mobile Phone Nos. 8014025567/ 7628890261 haiah biekravn thei a nih.

Lawmthu hriltu, Sd/-Ngaijailu New Lamka

UP CM in Petrol Pump popo enfel vawng dingin

LUCKNOW: Uttar Pradesh-a indiklo tak le thuing loa Petrol Pumps han thautui an zawna chungthuah Uttar Pradesh Chief Secretary Rahul Bhatnagar chun a state pumpuia Petrol pumps hai enfel vawng dingin Order an suo.

Uttar Pradesh state sunga hin Petrol pumps 6,600 vel a um a, hieng pumps hai hi joint team siema enfel vawng dingin Chief Secretary chun an hriettir a nih. Hi thil hi zani hmasa zana Chief Secretary le Ministry of Petroleum & Natural Gas, Principal Secretary, Home; DGP, ADG Law and Order le concern department han Lucknow hmuna meeting an nei huna rel a nih.

Amnesty Scheme hnuoiaih SA a inthawk India mi 20,000

CHENNAI: Saudi Arabia rama sinthaw dinga fe, dan kala lut le an um ding chin bak an um leia intang India mi 20,000 chungo hai chu 90 days amnesty period sung India rama kir thei dingin Saudi Arabia sawrkar chun a remthit.

SA-a intang hai laia a tamlem hi Tamil Nadu mi an nih. Amnesty hnuoia India rama kir dinga tuchena in registered chu 20,321 an tling tah tiin Indian Embassy-a Counsellor (Community welfare), Anil Nautiyal chun a hril. (TNN)

TUOLSUNG ATM Machine a hungtlung

CCPUR: District Hospital, CCPur-a Emergency/Casualty bulding-a ATM machine inthut ding chu May 3, 2017 khan hung phurtung a le a Booth dinga siemah inthut a nit ah. Hospital pan damnaw, inhmaw taka pawisa mamaw han harsatna an tuok hlak lei le, inhmaw taka pawisa lasuok nuom hai ta dinga Hospital hmuna ATM hi inthut tuma Hospital Administration le United Bank of India (UBI) han thangruola iemanichen an buoiptui hnungin Guwahati-a inthawk phalna hmu a ni dungzuia ATM machine siena ding hmun hi siem tan a ni a. October, 2016 a kha zo ta



dinga ti nisienkhwam Economic blockade leia a hun taka zo thei loma um a nih. Zanikhan CCTV siena ding le light hai fit tan a ni a, sawntawte hnungah UBI a inthawk Engineer han hmang thei dingin ATM machine hi an hung activate ta ding a nih.

Sub-Dealer han khawnvartui lak thei

CCPUR: Churachandpur District-a ding April, 2017 quota Khawnvartui a hungtlung ta a, Sub-Dealers han Sub-Dealers' Identity Card chawiin hieng a hnuoia SK. Oil Dealer hai kuoma inthawk lak thei ni tang a tih.

Traders -ah la thei an ta; 57 Henglep a mi han M/S Pudaite Traders le M/S BB & Co.; 58 Churachandpur hnuoia mi han M/S S. Paite le M/S JHK Agency; 59 Saikot a mi han M/s ZT & Co. le 60 Singnat hnuoia mi han M/s JHK Agency haiah Khawnvartui hi la thei an tih tiin M. Ginzasuan, DSO, CCPur chun inhrietirma a siem.

One Day training on Seeds & Management



University (CAU), Iroisemba, Imphal West hai thangruola huoihawtnain Loneitu (farmers) hai ta dingin buchi (CAU-R-I) semna program le inzwamin 'One Day Training on Seeds & Management' hmang a nih.

Hi hun a hin Paulienvung AAO (Retd) chu Resource Person in a thang a, khuo tum tum hieng- - Ngurte, Thenmuol le Tuaitengphai haia inthawk Loneitu mi 100 (farmers) vel an thang a, ah buchi kg 40 peia sem a ni bawk.

Vawisun 10:30AM in DLOs meeting

CCPUR: May 6, 2017 a CM, Manipur Churachandpur a hung inzin ding le inzwamin vawisun 10:30 AM hin DC Office, Churachandpur-ah District Level Officers'(DLOs) meeting a ko. DLO-hai popo hi meeting -a thang ding hin DC, CCPur chun inhrietirma a siem. CM hung inzin ding le inzwam hin zanikhan DC, Ccpur le SP, Ccpur thangsain DLO thenkhat

le tuolsung nitin chanchinbu Editors han DC Office, Ccpur-ah meeting vawihni an nei. Hi hun a hin CM lo lawm dan ding le inzwama arrangement thaw dan ding an hrihltang. Hi programme hmangna ding hmun hi DC, Ccpur, SP, Ccpur le DLO thenkhatin zanikhan an hang an fel. Hall tha le mawitawktak vawisuna inthawk hin bawl tan ning a tih.

CDVDFWA in lawmthu a hril

CCPUR: Churachandpur district sunga VDF personnel hai MGEL/cPIS/SIN form-a hmung ziek indiklo um hai Mr Rakesh Balwal, IPS, SP, CCPur; S.I. Thangtinun Haokip, Reserve Officer, SP Office, CCPur le S.I.P. Veven Gangete, i/c Reserve line, CCPur Mrs Nemkhoman, Head Clerk to SP Office, CCPur, Mr Chinkhansiam, Head Constable, Account Section, SP Office, CCPur hai chungah CDVDFWA chun lawmthu a hril. Hi le inzwam hin hmung sukdik ding VDF

personnel hai chun vawisuna inthawk May 10, 2017, 9AM-12 Noon sungin Secretariat Post hmuna document hai chawia peklut dingin CDVDFWA chun an hrietir.

Chun, MGEL bawzuina le inzwama Rs. 500/- seng thla hlaw a inthawk lak dinga ti chu mani umna post chita dawlt le lem dinga ti a ni a, a pelo le ngaisaklo an um chun harsatna an tuok khawmin CDVDFWA in ngaisak naw nih tiin CDVFWA thusuok chun a hril.

Tom Cruise le Vanessa In-Kiss, Takchang Dim

PARIS: Kum 21 liemtaa "Mission Impossible" serial hlawtling pei "Mission Impossible 6" tlung tah, "Top Gun" star ni bawkt Tom Cruise (53) le a co-star thartak, British actress Vanessa Kirby (26) hai pahni chu shooting an thawna scene pak-hatah ingaina taka ngir puma an in-kiss lai lak a nih a. An lang dan chun role play el bakah sung-tieng a tak takin iemani 'chemistry' a um niin an lang.



Vanessa chu overcoat var hakin a sam buong thal chu kawi thla hnapiin ml insim ser serin Tom Coat suit pawla inthuoim chu inhemina a hei kiss a. Film a dinga shooting po an thaw zo hnung chun Tom-in iemani a hei biruk zau a, an innui nawk hawm hawm a. Iemani tak chu an karah a um niin an lang. Tom hin Ethan Hunt lem chang nawk a ta, Vanessa hi a partner a ni ding a nih. En chak a um thal he.

Hienglai zing hin tak ramah Tom Cruise khawm parawl zinga um chu inhawi a tit a naw leiin kawppui thar ding a melkai mek a. Vanessa hi "The Crown" a inthawk khan a lo dit tah a, a choka le khum intawmpui ve dingin a dit deuh niin a ruol thenkhat chun an hril. A nu Mary Lee Pfeiffer in a thisan ta bawkt leh a khuo a sawt deuh a nih.

Vanessa Kirby hi kum 26 chau a nia chu an dung, 5' 7" ve ve an chen char a, MI: 6 a ding khawm hin Tom Cruise-in a thlang a nih. A nuhmei hlui Nicole Kidman kha ama nekkin inchi liin an sang lem a, an inchei pathumna Katie Holmes kha inchi 2-in an sang lem bawkt a. Vanessa hi chu an inchen char a nih. "Mrs Tom Cruise nunhnungtak" dinga a lungril niin an hril.

Malia Obama Khawm A Nal Tah Hle

NEW YORK: A pa Barack Obama President term a tawp chara hlaw tlawmte bek neia sinthaw experience nei ve tuma film siem tieng lungluta Weinstein & Co, Manhattan-a internship thaw mek Malia Obama chu a sinthawna pana a fe lai hmu a nih a, a lo puitlingin a nal ve tah hle.



Kum 18-a upa, Obama nau upa lem Malia Obama chun New York city Spring an tan mek lain ni lum tuom, kekawr bul dum, a ke nalzie suklang vawng theina ding le mawza bova pheikhaw (sneaker) var Rs. 5, 000 man bunin, T-shirt var chungah Jacket (sweat shirt) dum bawkt hakin, Bag dum paiin sinthaw dingin a fe a. A sam a sei tha bawkt, a puitlingin a nunghak ve tah hlea, mani an ringzo tawkt deuh tah khawmin an lang.

Malia Obama hi ni kum khan a graduate a, Harvard a lut hmoin kum khat break lak a tum a. Internship a tan hma hin South America ramhai fangin insukhlamma dingin Sundance Film Festival khawm a thang nghe nghe a nih. Kum bul khal film production company pakhat, Weinstein & Co. development department ah, executive hai en ding scripts lo tiema an table a lo siepek pei sin a thaw a nih.

Ni tina office a kainaa hin April thla bul lai khal mi pakhatin a zui ruk hlak a. Kutdaw anga insiemini Malia hi pasala nei

ding a lo thlem a. Secret Service han an thuoimang tah a nih. Malia hi film tieng an hnuk a, high school a kai lai khawm GIRLS ti film ah intern ang bawktin a lo thang tah a nih.

Mimal personal taka nun zalen hmang a nuom lainin President hlui nau a ni tlal lein a mal tla tak tak thei nawh a, Secret Service han an zui ruk ran a nih.

The Eagles-in "Hotel California" Case Siem

LOS ANGELES: American band inlar The Eagles chun, 1977-a Grammy Award an hmuna, eini lai chena inlar em "Hotel California" (1976) hmung chawiin Mexico hotel pakhat, room 11 nei Todos Santos-in an phalna bovin album hmung "Hotel California" bakah an hla-hai le an band lim T-shirt hai sumdawngna'n an hmang tein court ah an hek.

Hi lei hin mi tamtakin Todos Santos Hotel hi Eagles hai le inzwamna neinin an ngai pha niin an hril a. Hotel California Baja LLC hin US Patent and Trademark Office ah an hotel hmung khawm "Hotel California" tia thlang dingin an ngan niin an hril bawkt. Todos Hotel hi 1950 indinin "Hotel California" ti a ni a. Kum 2001-a Canadian John le Debbie han an inchwakha inthawk khan hmung dang danga thlang pei a nih.

A saktu Don Henley chun, hi hotel hmung inthawka an hla hung suok anga hril hi an dik nawh a. Hi hla nal tak le khirkhan tak, a guitar music seittak le mavi em em Don Felder le Joe Walsh han 'outro' an zut, Don Henley-in hla-thu a sak hi, California chanchin ni lovin American chanchin a nih lem a; iengkhawm la hrelo a inthawka thienna hung nei thal (journey from innocence to experience) thu hrihna niin an hril.

Hi hotel hin mi hip theina ding le an hmangruohai zawr theina dingin Eagles hai hla play-in anni hriehingna ding thil tamtak zawrin customer an lak a. Tamtakin Eagles le inzwamna an nei le nei naw thuah an buoi lein court case hi an siem niin Don Henley chun a hril.

Brad Pitt an Thelar Tan Nawk Tah

LOS ANGELES: A nuhmei Angelina Jolie le an inthe hnunga a hmasatna dingin Brad Pitt chun GQ Magazine cover ah inlangin, personal interview hai eh an thelar tan nawk ding an tah. Brad Pitt chu GQ magazine cover chi tumah inlang a ta, a chanchin kimchang tak, tulaua a um-danhai khawm phawrlang bawkt a tih.



A lungrila sawl leia a hmair khawm tla duok tah, hner hmul le khak hmul intuok bumina an langa chu a mit meng ruok chu a har fim khat tah niin an lang a. A lungrila khawm a hlim nawk deuh tah niin an lang bawkt.

Brad Pitt interview-na la release lo hi Angelina Jolie le August thlaa an inthe inthawka a hmasatnak ding a la nih a. A cover photo lakna ding ringawt khawm hin photographer Ryan McGinley leh White Sands National Monument, Carlsbad Caverns National Park hai an fe a nih a. Thalalak nal tam hleng a tih.

GQ preview dan chun, an interview-na hi "a tak tak suikirna" le "hmgainaina inthuk, nun inhmangna, pa ngirhmun le nina, iengkim an kawidar vawng hnunga hmaitieng pan dinga insingsatna" thilhai a nih ding

niin a hril.

Brad hi tulai hnai kha a nauhai paruk leh a chengna Lu Feliz ah hun an hmang dun a. Bu hawm an fak tlang tah a nih. A nauhai paruk hi dawntu (Nanny) pahni leh Weekend kha wu a fakpu tawt a nih. In Touch Weekly hril dan chun, "A nauhai paruk leh anni dawntuhai leh bu an fak tlanga Brad Pitt khawm inhwai a tih hle" tiin a ziek. "Naupang haiin ieng kim fak sin vawng an nuom lein an buoi em em a, anachu an pa a hlim hlea lungriem mitthi leh bu a fak thei naw hiel a nih" tiin a ziek.

An nauhai enkawl intawm dingin an inrema chu hmaitieng peia an nupa nun ding thuah tuchen chun ieng-khawm hriehfena an la nei nawh.

14TH HMAR MARTYRS' DAY 2017:

Zeal SC chun Thangzalian Memorial Team hnein knockout an inhlangkai;

State Level Hmar Martyrs' Rolling Trophy a vawi 14-na fe mekah zani khan Group match tawpna inkhel pahni a um a. A hmasa lemah Pool E-a um Zeal SC le Thangzalian Memorial Team(TMT) an inkhel a. TMT hi hrat khawma knockout kai phak chungo ta lo hnung an in a, Zeal SC ruok chu draw khawma kai thei ngirhmuna ngir sa an nih. Mi tam lem ring ang ngeiin Zeal SC chun



5-2 tawpin hnena an chang Anni Pool-a pakhatna chu a, an pool-ah pahniina niin HYA Imphal an ni a, anni knockout an inhlangkai. hin group game pathumah

hratna an chang vawng lein point pakuo tawp hmu ta an nih. Zeal SC ta dingin Nanao chun goal pali tawp a thun a, David-in goal khat a thunsa bawkt. TMT tien-gin Mimin le Nengminlun haiin goal khat ve an thun bawkt.

Inkhel pahniinaah Pool G-a mi, knockout kai ta sa ve ve United Khawzim Brothers(UKB) le Leisen FC an inkhel nawk a,

anni hi group topper inchu ringawt an ni tah. UKB ta dinga hratna goal thuntu chu Donny a nih. Minute 4 naa a thun a nih. Hi dung-zui hin Pool G-ah UKB hin point hmu thei zat po po (12) an hmu vawng a, asanchu anni Pool-a hin team panga an um lei a nih. Leisen FC chu vawihni a hratin vawikhat draw an nei lein point 7 an nei ve thung.

THE 14TH STATE LEVEL HMAR MARTYRS TROPHY 2017. ROUND OF 16 TEAMS. POOL A: SIELMAT YOUTH CLUB, F.A.S.T (A), MEGADASH F.C., ZENHANG LAMKA Y.C. POOL B: ATHLETIC BROTHER CLUB, TEKSIEPU F.C. POOL C: NEISHIEL YENG Y.C., LAMKA SPORTS CLUB. POOL D: H.T.A IMPHAL, F.C RIDIL, U.K.B, LENLAI CLUB. POOL E: ZEAL S.C., THENMUOL F.C. POOL F: LEISEN F.C. POOL G: F.A.S.T (B).

THE PRE-QUARTER FINAL LINE-UP 04-05-2017 | THURSDAY. 1:00 p.m | SIELMAT YC vs Zenhang Lamka YC. 2:30 p.m | FAST-A vs Megadash FC. 05-05-2017 | FRIDAY. 1:00 p.m | ABC, Saidan vs Lamka SC. 2:30 p.m | Neishial Veng YC vs Teksiepu FC. 06-05-2017 | SATURDAY. 1:00 p.m | HYA, Imphal vs Thenmuol FC. 2:30 p.m | FC Ridil vs Zeal SC. 08-05-2017 | MONDAY. 1:00 p.m | United Khawzim Brothers vs FAST-B. 2:30 p.m | Lenlai Club vs Leisen FC.

Premier League relegation battle

Team 20 umna Premier League 2016-17 season fe meka chun a vawrtawp hung hnaitain, a hnuoi tieng team pathum hai relegate an tih. Manchester United manager hlui David Moyes enkawl mek Sunderland chu tla hmasa takin, Black Cats hai hnung zui ding hin club pahni la umbel an tih. Match thun inkhel ding la um hai thei-awpa thang a pawimaw takzetz. Middlesbrough (19m; 28 pts)



March 16, 2017 khan Middlesbrough chun Premier League-a hlankaitu Aitor Karanka chu an ban a, hi hun lai hin Middlesbrough hai hi relegation zone a nthawk point pathumin an la him a, tu ruok hin chu Sunderland hai hnung zuitu dinga ngaia umin, relegate a nthawk him phak chara um Hull City hai lakah point 6in an inhuoi lem a nih.

Karanka um naw hnungah Middlesbrough hai hin league match 8 an inkhel tah a, an hne sun khawm re-

gate dinga um tah Sunderland hai an nih. Manager lien Stephen Mark Agnew hnuoiiah hin hmun insang hluto Manchester City an inngat-watpui kha an result tha umsun niin, chuonlaizing chun him phana ruok chu a ni phak chungo nawh. Middlesbrough hai hin Chelsea, Southampton le Liverpool hai la'n narpuoi an ta, an relegate ngei dinga ngai ni hai sien khawm Blues hai championna ding lampui

a sukhnawkt ngei dinga ring a nih. Swansea City (18m; 32 pts) Wales club Swansea hai hin an dit ang result an hmu theinaw lein tuta an manager Paul Clement hma hin Bob Bradley le Francesco Guidolin lo ban thal-in, an chunga um Hull City hai lakah point hni chaw a inhuoiema umin, Old Trafford-a point khat hlawsuok thei an ni lein an la him thei hram beisei a nih. Welsh club hai hin Everton, Sunderland le West Brom hai lan kharpuoi an ta, an fixture enin a halsa bekin an lang nawh. Hull City (17m; 34 pts) Hull City hai hi an hnuoi chaw um Swansea hai nekkin point hniin insanglem hai sien khawm goal difference-ah Wales club an phak naw lein relegate anthawk hin ding chun hrat vawng ngai a tih. Tigers hai hin tla cheng tah Sunderland le ngirhmun derthawng-a um Crystal Palace an hmasuon zozah champion tum Tottenham

Federer: French Open inkhel ding

Roger Federer chun tukuma a Grand Slam title pahniina dingin French Open inkhel dingin a hmung a ziek ve tah tha a hril. French Open hi May 22 - June 11 sung khin inkhel ning a tih.



Grand Slam vawi 18 zet champion tah Federer hin Africa rama naupang thanpui ngaihai thanpuina dingin Washington-ah exhibition match an khel a, John Isner chu 6-4, 7-6 (9/7) in a hne nghe nghe a nih. US-a an khel hnung hin kum 2015 hnunga a vawikhatna dingin Roland Garros inkhel dingin thut-lukna a siemfel a nih.

Kum 35-a upa Federer chun, "Roland Garros inkhel ding hin ka hmung ka ziekfel tah a, hliemma le hun harsatak ka paltlang hnungah hun inhawitak ka hmang nawkt mek a, player

thei ka nita naw ti chu ka cheng hle," tiin a hril.

Pasal tennis player hailai Grand Slam champion rawntak Federer hi nikum khaan a ruongzang le akhup a sukhat lein, Wimbledon hnungah inelna haia inlang thei taloa umin, tukum hin hliemma nei loin hung kir nawkin, Australian Open bakah Miami le Indian Wells hai-ah a champion nawkt hman tah a nih.

Premier League Table As on 2 May 2017. Table with 10 columns: Pos, Team, P, W, D, L, GS, GA, +/-, Pts. Rows include Chelsea, Tottenham, Liverpool, Man. City, Man. United, Arsenal, Everton, West Bromwich, Southampton, Bournemouth.